```
128 daz gît gelücke und hôhen muot,
                                                              gît dir glücke *T (I O)
     ob si kiusche ist unt guot.
     Dû solt ouch wizzen, sun mîn,
                                                              ouch om. *T (nur U) I
     der stolze, küene Læhelin
                                                              daz der st. Lehelin *G (nur GI) · daz der k. Lehelin *T (ohne T)
5 dînen vürsten ab ervaht zwei lant,
     die solten dienen dîner hant,
     Waleis und Norgals.
     ein dîn vürste, Turkentals,
     den tôt von sîner hende enpfienc.
 10 dîn volc er sluoc unt vienc.«
     »diz rich ich, muoter, ruochtes got.
                                                              \downarrow *G *T
     in verwundet noch mîn gabylôt.«
     Des morgens, dô der tac erschein,
                                                              Eines m. (morgen U), *T (ohne T)
     der knappe balde wart ein,
                                                              der kn. w. vil b. enein (balde wart ein ein I), *G *T
 15 im was gegen Artuse gâch.
     vrou Herzeloyde in kuste unt lief im nâch.
                                                              \downarrow *G
     der werlde riwe al geschach.
                                                              al (om. O L Z) hie g. *G *T
     dô si ir sun niht langer sach
                                                              ↓*G *T
     - der reit enwec, wem ist deste baz? -,
                                                              - der (er T) vert von (hin T) ir (om. L T), *G *T
20 dâ viel diu vrouwe valsches laz
     ûf die erde, al dâ si jâmer sneit,
     sô daz si ein sterben niht vermeit.
                                                              sô daz ein (in U sý V) *T
     ir vil getriulîcher tôt
     der vrouwen wert die hellenôt.
25 Ôwol si, daz si muoter wart!
                                                              ô. (Wol L T) si (ir [om. V] *T), daz si ie (om. *T [nur \ U] O) m. w.! *<math>G (V) (*T)
     sus vuor die lônes bernde vart
     ein wurzel der güete
     unt ein stam der diemüete.
                                                              unt om. *G (ohne Z)
     owê, daz wir nû niht enhân
30 ir sippe unz an den elften spân!
```

*D: D *m: m *G: G I O L Z *T (U): U V T (ohne 128.16–17)

3 Majuskel D T 7 Initiale I 11 Initiale G · Majuskel T 13 Initiale m L Z U V T · Majuskel D 20 Majuskel T 24 Majuskel T 25 Majuskel D 29 Majuskel T

⁴ küene] schœne *m 11 »daz riche ich, muoter, ruoches got.« *m · »Daz riche ich, muoter, wilz (rûch sin I r\bar{v}cht sin O R\bar{u}ches es L gervhtez Z ruochet ez *T) got. *G (*T) 14 ein] enein *m 16 diu k\bar{u}iniginne (herzelaude I Die vrowe k\bar{u}ste in vnd L) lief im n\bar{a}ch. *G (ohne OZ) · vro Herzeloyde] diu vrouwe *m 17 der werden ([*]: werde m) ald\bar{a} geschach *m 18 d\bar{o} si ir sun (suns *T [O Z]) nith m\bar{v}re sach (Gesach I) (sin m\bar{v}ter in niemer me gesach T) *G (ohne L) (*T) 19 reit] ritet *m 25 \bar{o} wol, daz si ie muoter wart! *m 26 die] div D 28 stam] stem D 30 unz] und *m · elften] zwelften *m